

PRÒVA ORAU- Nivèu A2

Mai de 2023

Lectura: lieg aguest tèxte en votz nauta

Conden qu'aguesta istòria passèc hè un bèth pialèr d'ans, ena region der arriu Zapavia, a on s'i trafen es montanhas Nargüic.

En aqueth parçan, ath pè d'aqueres granes montanhas, gessien primes hilères de hum que mercauen era preséncia d'un pòble.

Eth pòble se trapaue en un lòc fòrça antic, abitat hège cents e cents d'ans. Ère un pòble non guaire gran, damb cases granes e petites, damb gent arrica e gent que non tant, damb gent brava e dolenta, abitat majoritàriament per gent grana, ja qu'es mès joeni auien partit entara ciutat de mès apròp, Cantònia, a on auien trapat eth sòn mestier e ua vida mès facila que non pas en pòble des sòns predecessors.

Es carrèrs deth pòble èren cauçadats e arribenti e, es cases, totes ath sòn torn, auien era bòrda damb eth humèr, eth palhèr e eth uart.

En ua d'aguestes petites cases, ena mès vieilha e descuedada deth pòble, i viuien tres frairs: Artur, Pèir e Joan. Aguesti tres frairs èren persones plan braves e se hègen damb tot eth pòble. Totun, es tres frairs èren un peishic gelosi des qu'auien granes fortunes e tot soent mauparlauen dera gent arrica, insolidària e egoïsta que viuie en pòble.

Artur auie ath torn de vint-e-sies ans, ère de complexion fòrta, tirant a grana. Auie un caractèr fòrça comprensiu e li agradaue fòrça parlar damb era gent. Encara non ère maridat. Vestie de manèra simpla e ère un shinhau desendreçat e descuedat.

Pèir auie vint-e-quate ans. Ère de caractèr fòrça nerviós, li agradaue poder ajudar as auti, que se li dèsse era arrason e que jamès se li portèsse era contrària; totun, ère un brave òme.

Joan auie dètz-e-ueit ans...